

涇陽縣志

涇陽署藏板



重修涇陽縣志姓氏

總纂

知州銜涇陽縣知縣卓異候陞胡元煥江西新建縣舉人

編輯

舉 人蔣湘南河南固始人

參訂

原任廣東長樂縣知縣孫念祖邑人

同修

四川候補道署建昌道孟生萇邑人

禮部主事軍機處章京聶灃邑人

刑部七品小京官許肯邑人

與修

涇陽縣志

姓氏

一

涇陽縣儒學教諭許賡陞

訓導趙輔清

採輯

舉 人 劉世奇

舉 人 趙毓麟

舉 人 劉友松

舉 人 雒輝山

六品職員張葵

候選訓導熊節

貢 生 楊逢泰

貢 生 苗若時

貢 生 蔡應庚



侯選訓導 張文楷

陳源淳

廩生 吳汝梅

生員 周維保

生員 常新猷

總校

候選訓導 周祐 湖南

舉人 慕甲林 甘肅鎮原人

舉人 吳增遠 江西南昌人

候選訓導 胡克增 江西新建人

廩生 張師濂

增生 聶沅

涇陽縣志

姓氏

二

校刊

涇陽縣丞 沈椿 江蘇

候補按察經歷前涇陽縣典史 蔡天錫 福建閩縣人

涇陽縣典史 姜榮 江蘇

督刊

涇陽縣守營 楊振聲 長安人



涇陽縣志目錄

凡例

採訪條例

紀二

第一卷

聖製紀

第二卷

恩澤紀

圖二十三

第三卷

地平經緯圖

縣境全圖

涇陽縣志



漢池陽縣圖

後漢池陽縣圖

唐涇陽縣圖

第四卷

縣城圖

衙署圖

學宮圖

書院圖

第五卷

龍洞渠圖

台渠圖

清渠圖



水經注白渠圖

長安志涇渠圖

第六卷

八鄉總圖

宜善鄉圖

廣吉鄉圖

臨涇鄉圖

溫豐鄉圖

甘延鄉圖

清流鄉圖

金龜鄉圖

瑞安鄉圖

涇陽縣志

目錄

譜二

第七卷

職官譜

第八卷

選舉譜

考五

第九卷

沿革考

第十卷

大事考

第十一卷

山川考



第十二卷

古蹟考

第十三卷

水利考

畧五

第十四卷

食貨畧

第十五卷

禮制畧

第十六卷

兵防畧

第十七卷

涇陽縣志

目錄

三

經籍畧

第十八卷

金石畧

傳

第十九卷

名宦傳

第二十卷

耆舊傳上

第二十一卷

耆舊傳下

第二十二卷

孝友傳



第二十三卷

忠義傳

第二十四卷

列女傳上

第二十五卷

列女傳下

第二十六卷

義行傳

第二十七卷

遺才傳

第二十八卷

流寓傳

涇陽縣志

目錄

四

第二十九卷

方技傳

第三十卷

敘傳

後附涇渠志

三卷

第一卷

涇渠職官紀事表

第二卷

龍洞渠志

第三卷

涇渠原始



涇陽縣志凡例

州縣之志古者列國諸侯之史也史必有例不合例者非史例先辨體不得體者非例今志分爲六體曰紀曰圖曰譜曰考曰畧曰傳六體皆志也而不名志者以志爲全書之總名不必又作各卷之分名也

春秋之法歲首必書春王大一統也方志于

皇恩慶典必詳錄之然詳錄矣而或散入各門若涇陽舊志以特恩蠲恤附貢賦志之後以

純皇帝御製七世同居詩附孝友傳之後一若因類附見不足以昭慎重今皆尊爲外紀弁諸卷首其曰紀者取史本紀名也雍正中畿輔通志首列

詔諭

涇陽縣志

凡例

宸章二門乾隆中西安府志亦以

天章冠首皆鄭重得體涇陽以唐德宗崇陵唐宣宗貞陵在境內故

列聖所

頒祭告陝西歷代帝王陵文皆敬謹繕入與

御製七世同居詩共昭雲漢之光華焉

列朝蠲恤多係陝西全省或西安府屬或普免直省錢糧無有轉及涇陽者故

恩澤紀但紀

特恩而

詔諭則不敬錄

圖譜之學古有專門鄭樵言之詳矣自圖經之法亡而方志遂



無有重圖者余撰藍田志特作十圖以存圖經遺意今更統古  
今地理括爲二十三圖

作漢池陽縣圖何也漢縣斥大今三原醴泉咸陽諸境皆有池  
陽縣地史于黃白城仲橋諸地名皆繫諸池陽若以今縣境爲  
斷則皆不在涇陽境也圖漢縣而後知大事考中非借故事于  
異地

作唐涇陽縣圖何也唐涇陽縣地最狹今縣北三十里雲陽鎮  
卽唐雲陽縣城故址唐代校獵雲陽諸事今皆采入大事考中  
人或以地屬淳化而疑之觀此圖則疑可頓釋

鄭渠故道久涇水經注沮水篇畧存大概今據以補之

李好文之長安志圖渠名與今渠不盡合故全錄之以與今圖  
相參

### 涇陽縣志

#### 凡例

二

太史公本周譜而作諸表其年經月緯旁行斜上之法卽周譜  
本法也職官選舉皆用其例

沿革紀事合爲一表周應合之法最爲簡明余撰藍田志用之  
今按涇陽舊志沿革多誤考古地理家專門如元和志等亦誤  
于是分條辨正徵引甚繁又必註明原書則非表之按格可盡  
舊志無歷代大事今補之

沿革考中辨明周秦之涇陽不在此地故大事考中不錄獫狁  
入寇及秦封涇陽君事

括地志云雲陽縣城在雍州雲陽縣西八十里蓋言秦漢之雲  
陽縣城在唐雲陽縣西八十里也括地志唐人所著唐雲陽縣  
在今涇陽縣北乃後魏所置與秦漢之雲陽城異地秦漢之雲  
陽城旣在唐雲陽縣西八十里是在今淳化縣境與今涇陽縣



無干舊志多取秦漢雲陽事牽連采入如程邈繫雲陽獄之類  
今刪

錄唐雲陽縣事以唐代縣城在今涇陽境也凡史統言雲陽者  
則錄之若指名雲陽官甘泉山等及他地名于唐屬雲陽縣而  
不在今涇陽境者仍不錄

舊志所錄祥異多概指雍州今取其指名涇陽者錄之

舊志于山川古蹟多不能詳今增入古蹟六十餘條必注明引  
用書目至舊志牽引鄰境古蹟且有附會稗官野語者今刪

山川考有涇渠矣復作水利考何也修鑿之法歷代各殊渠口  
之改隨時屢變舊志敘述不明令人眩惑王太岳之涇渠志又  
專詳其奉命指揮故涇渠之水利最古其故實亦最富自來未  
有統蒼爲一書者今詳考史文廣稽方志提綱分目俾覽者首

涇陽縣志

凡例

三

尾了然後有訪涇渠者必執以當左券矣意在集成不避重複  
古人有經無緯之書皆名爲畧不特黃石公三畧淮南子要畧  
也卽史書中如張溫之三史畧魚豢之典畧以及鄭樵通志二  
十門俱名爲畧皆取謨畧之謂以求精詳之意故今志五畧不  
厭其詳

學校祠祀典禮所關一邑之中當存大概故謹錄現在頒行各  
式其不在會典而爲縣中自來所應祭者亦附于後

涇陽逼近行省軍門總鎮重兵所在故雖以自來用武之地而  
恬熙日久有兵無防不足怪也今復作兵防志者以食貨禮制  
兵防爲邑之大政各輯爲篇以示文武並重之意

藍田志不載詩文別作文徵錄以與正志相輔其例創自章進  
士學誠亦猶夫子判十五國風于春秋之外左氏判十三國語



丁內傳之外史之體不可雜也今志于序記之有關考証者散附各門類中而不別作文徵錄所謂言豈一端各有當也漢書藝文志條辨各種源流本于七畧此漢人之家法也隋唐以還經師之家法亡而史臣亦不復宜究作者意指經籍藝文但載書目而已中經簿崇文總目間得七畧遺意我

朝四庫書目提要一復漢藝文志之法今志于縣人著述亦援此例

畢尙書作關中金石記涇陽缺焉今特廣搜俾後之考金石者有所藉

舊志無循吏傳但載各官爵里大似里正之花戶冊殊乖體例今詳考各史及通志諸書有傳者采入其無傳而政蹟可徵者爲之補傳元之王瑀明之暢亨蕭汝芳

涇陽縣志

凡例

四

本朝之金漢鼎王際有唐秉剛葛晨皆是也其無事實而有循名者亦援史例附其名于諸君傳內

舊志入宣秉于人物志蓋誤以漢雲陽縣在今涇陽境也刪之舊志以第五倫入人物以其墓在縣境也與史言倫爲長陵人不合考東漢併谷口好時涇城三縣入池陽故今醴泉乾州及咸陽西境皆池陽縣地或者池陽東境分屬長陵亦未可知但史無明文不敢臆斷關學編有元儒涇陽人第五居仁卽倫裔今其族甚繁皆聚居于倫之墓側名第五村則舊志列倫不爲無理

舊志專輯邑人出仕者爲一傳曰宦業其未仕者曰隱逸均與未合今統爲一門名曰耆舊傳分上下二卷復增立流寓遺才

二門



舊志以明季死事諸人與近今推財好施者同爲一傳名曰義行亦未合今依唐書忠義傳之名別立忠義傳而義行專列好施諸人庶幾各當

舊志節孝貞烈諸婦女統入人物志殊乖體制今作列女傳分上下二卷上卷孝節下卷貞烈賢母只三人附下卷末

舊志分方伎仙釋爲二門不合史例不知釋道兩教皆稱方伎也今正之

舊志人物分七類皆名爲傳其實非傳也多者不過數行少者只三四語零星瑣屑闐闐之米鹽簿而已今欲別爲立傳則年遠無徵然又不敢概刪其新采者必核實爲之立傳

舊志雖有徵引不注出處今詳注原書以示實事求是之義倘有訛誤來哲正之

涇陽縣志

凡例

五

涇陽志之存于今者惟有葛志以前屢修之書大概皆在葛志中其自序亦謂萃兩冊爲一編原書既不可見葛志亦未注明今統稱舊志

物無異產土無異俗通志旣詳茲概從畧

新志成而舊志廢官書往往然也或有勦襲舊志以爲已說者後人亦無從考見茲則于敘傳詳列舊志諸序復載其書入經籍志以備遺亡



涇陽縣志

採訪條例

一縣境內凡有碑刻 本朝

列聖

御製

御書及名勝寺觀曾邀

頒賜聯額者俱宜敬謹抄錄

一縣境四至遠近恐舊志今昔不同各里村莊與鄰縣交界者俱

宜開報里數若干以便查核

一各里村莊每里幾村相隔遠近或某村東西與某村相接及村

戶口幾何均宜開清送閱

一各村臨涇河岸者宜註明南岸北岸字樣

涇陽縣志

採訪條例

一

一各山名目及岡巒起伏脈絡延綿之處與某村某里相近者無

論古名俗名均宜確列

一諸水除涇河巨流外凡有支河山泉係何名由何處入境由何

處出源經過幾村分流合流何地並係何方向一一開載勿漏

勿差

一古蹟最宜詳列

一道觀佛寺及各廟宇宜查明建置年月開闕

一先賢墳墓自明以前皆須訪明自 國初至今名人冢域亦可

開列

一金石文字勿憚搜研以資考訂

一古人鼎彝諸器上有篆隸文字凡係本地人收藏者拓文送閱  
各廟中鍾銘自元以上者皆可錄



一碑刻自元以上須全拓其文如無拓工則將碑上年代開清至各廟有佛座刻字卽爲古人造像亦當採至明以後石刻只載其名如碑文有闕地方公事及建置興廢之由者亦全抄送閱一城內及各村鎮有先賢列女坊表俱行錄送其建置年月亦不可廢

一民間風俗所尙及歲時伏臘之辰冠昏喪祭之禮有與他處不同者美惡必登勸懲是賴

一土產種植所宜雖微必載

一縣中凡有災祥如嘉禾合穎一產三男及地震木冰水旱之類均宜詳載

一選舉自進士至各貢及選舉貢監掾吏訪明彙載武進士武舉人亦宜並載

涇陽縣志

採訪條例

二

一縣人有受封誥承蔭襲者必將誥軸及案據呈局

一縣人凡有撰述無論經史詩文集卽方技雜書已刻未刻之本均宜送入志局以待採擇采畢發還勿慮遺失

一舉報鄉里名德先輩或敦崇行誼堪爲表率或潛心學問不愧經師務有著述確據不可稍阿所好

一忠義之士臨危授命及隕身鋒鏑會荷恩恤者

一孝順父母色養無違居喪盡禮者外此如割股廬墓諸事及兄弟友愛數世同居推財讓產並享年過百者

一居鄉睦嫻好義急公讓產不惜貲財者

一隱居山澤閉戶著書不求聞達者

一醫卜雜技超絕常流者

一賢士大夫樂其風土寄寓于此者



一釋老之徒有苦行奇跡足紀者

以上八條皆宜實心查訪舉報勿遺勿濫現存人不得妄舉

一列女一門不專言節孝而所重在此凡百數十年已 旌未旌  
苦節之婦及殉亡節烈未嫁守貞者宜詳載

一節婦雖係現存但係青年守志白首完貞無論已 旌未 旌  
皆可登採年未及五十者不得妄報

一縣中有賢母淑媛或以才藝聞或以賢孝著皆採勿遺

一曾任文武各官凡有名流題咏片什足珍勿令遺棄

一山水之區凡有名流題咏片什足珍勿令遺棄

一縣中異聞雜事非過于不經者不妨採送

一志書不可過繁採訪不可過畧凡有見聞皆宜送閱俟志局再  
行刪錄勿先以意爲去取也



涇陽縣志卷一

聖製紀

崇陵貞陵在唐畿縣惟我

聖朝祀典聿煥巍巍

天章桐鼓比燦寵此涇千雲日俱爛

臣元煥謹述

聖製紀第一

聖祖仁皇帝

祭陝西諸帝王陵文

康熙七年

自古歷代帝王繼

天立極功德並隆治統道統昭垂奕世朕受

天眷命紹續丕基庶政方新前徽是景明禋大典亟宜肇修敬遣專官代

將牲帛爰昭殷薦之忱聿備欽崇之禮伏惟格歆尙其鑒享

涇陽縣志

卷一

聖製紀

祭陝西諸帝王陵文

康熙二十一年

自古帝王受

天顯命繼道統而新治統聖賢代起先後一揆成功盛德炳如日星朕誕

膺

眷祐臨制萬方掃滅兇殘廓清區宇告功古后殷禮肇稱敬遣專官代將

牲帛爰修禋祀之誠用展景行之志仰企明靈尙其鑒享

祭陝西諸帝王陵文

康熙三十五年

自古帝王繼

天出治道法兼隆莫不慈惠嘉師覃恩遐邇朕勤恤民依永期殷阜邇年

以來郡縣水旱間告年穀歉登蚤夜孜孜深切軫念用是專官秩

祀爲民祈福冀靈爽之默贊溥樂利於羣生尙鑒精忱俯垂歆格

祭陝西諸帝王陵文

康熙三十六年





自古帝王受

天景命制治綏猷必禁暴除殘以乂安黎庶緬懷往烈道實同符朕欽承帝祉臨御九圍茲以狡寇跳梁親征漠北蕩滌寇氛廓清邊徼永消兵革以與普天率土樂育太和敬遣專官代將牲帛昭告古先哲后虔修禋祀式彰安攘之模用展景行之志仰企明靈俯垂鑒饗

自古帝王繼

康熙四十二年

天立極

出震承乾莫不道洽寰區仁週遐邇朕欽承丕緒撫馭兆民思致時雍常殷惕勵歷茲四十餘載今歲適屆五旬宵旰兢兢無敢暇逸漸致民生康阜世運昇平頃因黃淮告成親行巡歷再授方畧善後是期觀民志之歡欣滋朕心之軫恤適回鑾馭大沛恩膏用遣專官敬修祀典冀默贊邛隆之治益宏仁壽之休尚鑒精忱俯

涇陽縣志

卷一

聖製紀

二

垂昭格

西巡祭告諸帝王陵文

康熙四十二年

朕勤求上理撫育民生巡行雖歷東南咨訪未經西土茲因觀風閱武察吏安民不憚冰霜蒞止秦省稽前代之陵寢皆密邇於長安惟帝德在生民功存當代芳型昭著令譽長垂披覽簡編恒深緬想遣專官而展祭列俎豆以將誠靈其鑑知來歆來格

祭陝西諸帝王陵文

康熙五十二年

自古帝王繼

天出治

建極綏猷莫不澤被生民仁周寰宇朕躬膺寶歷仰紹前徽夙夜孜孜不遑暇逸茲御極五十餘年適當六旬初屆所幸四方寧謐百姓乂和稼穡歲登風雨時若維庶徵之協應爰羣祀之虔修特遣專官式循舊典冀益贊雍熙之運尚永貽仁壽之休俯鑒精誠



用垂歆格

祭陝西諸帝王陵文

康熙五十八年

自古帝王受

天景命建極綏猷垂萬世之經常備一朝之典禮朕欽承

帝祉臨御九圍夙夜惟寅敬將祀典茲以

皇妣孝惠仁憲端懿純德順天翼聖章皇后神主升祔

太廟禮成特遣專官代將牲帛用展苾芬之敬聿昭禋祀之虔仰冀明靈

尙其歆享

世宗憲皇帝

文

祭陝西諸帝王陵文

雍正元年

自古帝王繼

涇陽縣志

卷一

聖製紀

三

天出治建極綏猷莫不澤被生民仁周海宇惟我

皇考峻德鴻勳輝美前古顯謨承烈垂裕後昆朕以渺躬纘膺大寶當茲

嗣位之始宜修享祀之儀特遣專官虔申昭告惟冀時和歲稔物

阜民安淳風徧洽乎寰區厚德常敷於率土尙其歆格鑒此精誠

祭陝西諸帝王陵文

雍正二年

自古帝王體

天立極表正萬邦愷澤遍于寰區仁風及于奕禩朕丕承大統遙契曩徽

茲于雍正元年十一月二十五日恭奉

聖祖合天宏運文武睿哲恭儉寬裕孝敬誠信功德大成仁皇帝主配享

圓邱禮成特遣專官虔申昭告惟冀永贊修和之治益昭安阜之休鑒此

精誠尙其歆格

以上就現存者錄之餘俟續採



乾隆三十一年奉

旨禮部議覆陝西巡撫和題貢生張璘一門孝友七世同居應如所請照例旌獎民風淳厚倫紀懋敦朕用嘉慰茲親製詩一章以賜並著加賞上用緞疋用示優異欽此

二南風化久漸人彼甯斯張皆陝民七箸七傳曾不析爨炊百口共相親兒無常父奚慚汜犬爲同牢或似陳表宅寧關一家勸所希比戶洽和淳